

Библейско-богословская коллекция
Серия «СВЯТОТЕЧЕСКИЕ ТВОРЕНИЯ»

Свт. Димитрий Ростовский

**СЛОВО
О БОГАТЫХ, О МИЛОСТИ
И МИЛОСТЫНЕ**

Странник, 1891, № 10, с. 207-212

© Сканирование и создание электронного варианта:
издательство «Аксион эстин» (www.axion.org.ru), 2009



Санкт-Петербург
Аксион эстин
2009



С Л О В О

Святителя Димитрія, митрополита Ростовскаго, о богатыхъ,
о милости и милостынѣ ¹⁾.

*Душе, имаша мнози блага, лежащи
на лѣта многа: почивай, яждь, пей,
веселися*



ЮВЕСА суть богата в нынѣшнемъ Евангелии поминаемаго отъ божественнаго Евангелиста Луки во главѣ вѣ, въ началѣ 33 положенная.

Въ Бога богатѣвыйся в земными сокровищи не нищій, Царь и Пророкъ Давидъ добръ богатыя вѣка сего описуетъ, слышателие православнии. Сице онъ глаголетъ: Богатство, аще течеть, не прилагайте сердца, ибо яко добрая нива добрыми насѣянная сѣменами, добрыя и плоды приносятъ: тако злая нива сердца человѣческаго богатству приложившаяся ста злымъ сѣменемъ насѣянная, злый плодъ печали вѣка сего, и лсти богатства, и различныхъ согрѣшеній, яко терніе не скудно приносятъ, и потомъ погибель раждаетъ, ибо богатство всякаго сана челоуѣка прельщаетъ, паче же тѣми и самаго непрелстимаго Христа Господа діаволь прелстити хотяше, ввсегда показа Ему вся царствія міра и славу ихъ,

¹⁾ Сообщено Амфилохіемъ, еписк. Углицкимъ въ „Моск. Ц. Вѣд.“.

глаголи Ему: *вся сія Тебѣ дамъ, аще падѣ поклонимися* (Мѡ. 4): ибо всѣ грѣхи смертныя из богатства бываютъ: гордость в Навуходоносорѣ, изъ богатства докомство во Іудѣ, богатства ряди нечистота в Содомлянехъ; от богатства зависть, о богатствахъ, по приточнику, подвизается обогатиться, мужъ завистливъ, и невѣсть, яко милостивый имъ обладать. Чревобѣсіе и піанство въ богатомъ Евангельскомъ, Амось нечестивый на Мардохея навель родъ Израильскій; лѣность обычно бываетъ в богатыхъ: но вѣдати подобаетъ, не само богатство тѣмъ злымъ виновно есть, но злое ихъ употребленіе: тако и благій человекъ, богатствъ содержатель, не точию тѣми грѣховъ избываетъ, по глаголу Даніила Пророка, к Навуходоносору: *грѣхи твоя милостынями разсыпи, и неправды твоя щедротами убогихъ, но от смерти вѣчныя и тмы крошныя свободяется по словеси Товіа праведнаго: милостыня от всякаго грѣха и от смерти избавить и не оставитъ души птти во тму, ея же не хотяше творити нынѣшній богачъ Евангельскій, но вся благая строенію его ввѣренная, в житницахъ заключити умыслихъ (?)*: злый рабъ злѣ и погубе, злыхъ богатствъ употребленіемъ, егоже злоплодіе и погубель, да свѣтлѣе узрит(м?)ъ умными очима нашими во опасеніе наше, пространіѣ сію притчу сказати умыслил(в?)ъ. Бога всецѣдраго молю, о пособіи, ваше же благочестіе о прилѣжномъ послушаніи.

Человѣколюбець Господь, предлагая нынѣшнюю притчу народомъ, не благоволялъ есть имени богача лакомаго помянути, яко же и другаго предъ егоже враты убогій Лазарь лежалъ: испущую, яко не достойна оная оба помянѣнна быти устнама Господними, за нечеловѣколюбіе жестокое самолюбіе скотское. Глаголетъ бо Господь токмо сице: *человѣку нѣкоему богату угобзися нива*. Человѣка его нарицаеть яко человекская точию и плотская мудрствоваше, а не Божественная и духовная; богата наричетъ, яко имѣ стянания многа, Богомъ себѣ врученная, ко еже доброе тѣмъ строеніе дѣлати. Ему же угобзися нива не точию нужныя плоды на пропитаніе ему и прочіимъ требующимъ приносящимъ, но и вельми гобзовито произведшіи, того ради, да земный человекъ поне отъ матере своея земли научится плоденъ быти подаваніемъ; но шле окаянства! шле


безчеловѣчія! яко плодство бесплодно, иже земля издаше пзобильно, онъ заключаше неблагодарный Богу, себѣ лукавый, врагъ нищихъ, богатыхъ пороки: иже мысляше в себѣ, что сотворю? У(и?)мѣ ус(м?)нечестивый соряся с милосердіемъ Божіимъ, и терпяше внутреннюю брань милости, миръ и покой погубивый ибо во внутреннюю его уже діаволь вселился бѣ. Подобнѣ Василій великій в маломъ ономъ вопросѣ: что сотворю? великое днесь разсужденіе: что сотворю? не таковъ пздасть гласъ нищій, иже скудостію утѣсенный ппценствуетъ: что сотворю: нищи откуду? одѣяніе откуду? печалится и богатый, аки нищій: не имамъ гдѣ собрати плодовъ моихъ: не имаша окаянне, яко не хочеша имѣти. Суть гумна многая и неразоримая, гумна небесная, в нихже ни тля тлитъ, ни татіе крадутъ, ни огонь сожигаетъ, ниже вода потопляетъ: гумна суть чрева нищихъ, сирыхъ, вдовиць, странныхъ, гумна пространная, яже много вмѣстити могутъ. Гумна, о нихже Христосъ Господь рече: продадите имѣніе ваша п дадите милостыня, сотворите себѣ влагалища неветшающая сокровище не оскудѣемое на небесѣхъ, идеже тать не приближается, ни моля растлѣваетъ, понеже милуяй нища взаимъ даетъ Богу, по даванію же его воздастъ ему в житницѣ небесной. И рече богатый: се сотворю: разорю житницы моя п большая созижду, п солга неправда себѣ. Прежде бо не создалъ житницы болшія, самага храма плоти разорися и душа насытая исторжесе и глаголаше онъ: и соберу та вся жита моя и благая моя. Слово убо испустя, дѣла содѣяти не попусти ему Господь, яко присвоп себѣ единому та, яже даде ему Богъ, яко строителю во препитаніе многихъ. Сія безумная богача словеса разсуждая Божественный Василій великій глаголетъ к нему: кая оная твоя рци ми, откуду вземъ сія алчущаго хлѣбъ, его же ты удержиуши; нагаго риза у (ю!) же в ковчезѣ храннши, босаго сапоги у тебе согнивають, требующаго сребро еже ты в земли закопанное содержиши, вскую толико обидѣши чловѣки, елико могли еси помощи сотворити. Обаче богатый глаголетъ: *соберу та вся жита моя, и благая моя*: солга же и в собраніи, солга и в житахъ: ибо та ему жита не на житіе бяху, но на погибель. Солга во благахъ: ибо ему не блага быша, но онъ еще глаголетъ: и реку души моеи: *имаша многа блага,*

лежаща на лѣта многа, почивай, яждь, пій веселися. Съ
окаянне, ни Господа речеши. За неже ти в сію ночь смерть
заградить уста твоя, глаголющая неправду. Коей души твоей,
понеже нѣсть твоя, но демонская. За неже продалъ еси ю
на богатство, кая имаши благая, понеже ти зло тѣми родися.
Слыши, что Златоустъ глаголетъ: кая твоя именуеши яже в
сію ночь оставити имаши. Слыши Амвросія Святаго, повѣ-
ствующа: ничтоже бо наша суть, ихже не можемъ понести
с нами, едина добродѣтель, спутница есть мертвыхъ. Едино
послѣдуетъ намъ милосердіе, еже в небесная предводителъ-
ствуетъ обители. Ты же окаянне не милосердствуеши, не даши
ср бра твоего взаимъ Богови чрезъ руки нищихъ: не правду
убс глаголеши: благая твоя именуя, не имаши ты сихъ бла-
гихъ подъ властію, яко богатства тобою владѣють, а не ты
ими, лежащая на многа лѣта глаголеши окаянне. Рабе ма-
моны: кто ти извѣсти о лѣтѣхъ многихъ богатства твоего,
еже во единъ часъ можетъ огнемъ быти сожжено. Безумне, в
сію ночь душу твою истяжутъ от тебе, в сію ночь разсып-
лются кости твоя, при адѣ темномъ. Безумне, что глаголеши:
почивай; можно ли в терніи суцу почивати, удобно ли между
волнами свирѣбѣющагося моря, уснути, подобно ли на горя-
щемъ угліи воздремати и спати: Вскую глаголеши: душе, не-
вѣси ли, яко сія суть пища плоти, душа же паче духовными
питається брашны: по оному: не о хлѣбѣ единомъ живѣ будетъ
человѣкъ, но о всякомъ глаголѣ исходящемъ изъ устъ Божи-
ихъ: вскую подаеши тлѣнную и горкую чашу глаголя: пій,
вскую чествуеши душу виномъ, о немъже писано есть: кому
лютѣ, кому молва, кому суди, кому туга и поносъ, кому сини
очи, не пребывающимъ ли в винѣ, вскую пожаръ прилагаеши,
веселися, вѣчнаго плача должникъ, какъ возвеселишися ока-
янне житель содома плачевный, какъ возрадуешися, какъ воз-
смѣешися, косу имѣя смертную над выею протягненну, какъ
весель быти имаши, емуже Богъ глаголетъ: безумне, в сію
ночь душу твою истяжутъ от тебе, и яже уготовавъ еси,
кому будутъ. Безумень сей богатъ во истину баше. В маломъ
глаголаніи великая содѣла согрѣшенія, в краткой бесѣдѣ дол-
гую, ибо вѣчную заслужи казнь и мученіе: Егда бо рѣче: ра-
зорю житницы моя и болшія созижду смутство веліе умысли

рекъ: соберу предпріят(?)ый смертное лакомство; рекъ: жита моя и благая моя не Богу Вседержителю приписа тѣхъ держаніе, но себѣ самому. Чрезъ: имаши многа блага, лежащая на лѣта многа; (—?) упованіе же жизни положи в богатствахъ: а не в Бозѣ, жизни Подателѣ. Чрезъ: *почивай* лежить (?) чрезъ яждь (—?) чрезъ пій пїанство. Чрезъ: веселися, присно пированіе, или по Теофилактону: блудодѣйствіе и прочія сицевыя утѣхи. Чрезъ вся сія: вторый Епикуръ показася глаголавый въ себѣ: яждь, пій, веселися. По смерти нѣсть утѣшенія, ѡле богатаго во злобу, нищаго в доброту: ѡле обилующаго грѣхами, скуднаго облагоданію, ѡле довольнаго во скупство, лишеннаго же разума: Человѣкъ в чести сый, приложися несмысленнымъ и уподобися имъ; тѣмже яко скоти не себѣ собирають, о человѣкомъ, волове, ралами тяжеть не себѣ, но человѣкомъ, кони колесницы возять, не себѣ, но человѣкомъ, пчелы медь дѣлають не себѣ, но человѣкомъ: тако и онъ не себѣ собра, но оставшимъ по немъ людямъ по словеси Господню: и яже уготовалъ еси, кому будутъ. Но прежде, и еже (—?) сія взяша людіе. со лютѣ, лютіе демони, взяша душу, аможе рѣче Господь: в сію ночь душу твою истяжутъ от тебѣ, въ сію ночь, безумне, в ночь грѣховъ истяжутъ бѣси, демони бо истяжутъ нуждею. Богъ же, волею себѣ угождающихъ мирно и мнлостиво душу приемлетъ, и тако острижеся сія златорунная овца, заклася нечаянно, тихо, собирая себѣ, а не в Бога богатѣйшій не возбраняеть же собирати, но не в себе, собирати запрещаеть. Ибо рече Христось Господь, иже собираеть, со мною (—!) расточаетъ, расточаетъ безумно по образу блуднаго сына расточившаго имѣніе отца своего блудно. Ѱ кто же бы далъ всѣмъ богатымъ расточити имѣнія своя, яко расточи онъ, о немъ же Давидъ глаголетъ, расточи, даде убогимъ, правда его пребываетъ во вѣкъ вѣка. Сіе бо расточеніе, не точію доброе, но вѣчное собраніе, но и неправедному доброе содѣваетъ возмездіе по словеси Господню: азъ вамъ глаголю, сотворите себѣ други от мамоны неправды, да егда оскудѣете, примуть васъ въ вѣчныя кровы: аще убо кто от васъ собра мамону неправды, да расточитъ праведно и разумно: во еже бы из неправды правду сотворити, ей же пребывати во вѣкъ вѣка, и отъ правды превѣчныя вѣчныя вос-

пріяти крoвы: аще же кто хoцетъ собиратьъ, да собираетъ с Богомъ, а паче в Бога да богатѣеть: и ежели во злато, тако бо и с Богомъ вышю будетъ и богатствъ мѣрскихъ мирныхъ не лишится, в Бога паки богатѣеть, а не отрицаетъ алчныхъ питати, жадныхъ поити, ниже ихъ одѣвати, странныхъ пріимати; иже нищія пріемлетъ, за что от Бога будетъ пріять, во обители Его небесныя.

Вы убо братіе, слышаще здѣ въщщихъ не созижденіе житницъ тлѣнныхъ раздавайте, глаголю, на нужды нищихъ и бѣдныхъ: сія бо житницы нетлѣнныя суть: яко что имъ дается, то в небесныя житницы собирается: не прилагайте сердець вашихъ къ богатству не сущему; но Богови прилѣплятися со пророкомъ, рекшимъ: мнѣ же прилѣплятися Богу благо есть, уповати на Господа. Прилѣпляйтеся Богу богатствы вашими, дающея Христови в нищихъ, и сердца ваша конечно Ему прилѣплятся. и дѣже положите сокровище ваше, тамъ будетъ и сердце ваше. в руцѣ Божіей на небесѣхъ пособіемъ и наставленіемъ Христа Бога нашего. Ему же подобаетъ честь и слава во вѣки, аминь.





**Издательство православной
богословской литературы
“АКСИОН ЭСТИН”
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

Посетите наш сайт в интернете по адресу:

www.axion.org.ru

На сайте:

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

Ваши вопросы и пожелания направляйте, пожалуйста, по электронной почте: info@axion.org.ru